

卷一

趙清獻公文集卷第五

七言排律二首

次韻楊鴻漸察判見贈

縣令於時襲漢唐震雷為治制封疆得人固可恩千
室無狀湏憂病一方愚品昔蒙登仕籍薄材今幸預
朝綱但欣孤迹辭丘壑豈有深謀贊廟堂萬里山川
來隴蜀七分風物類江鄉存心撫俗圖歸正顧已臨
民敢不莊蓮幙似君誠慷慨蘭言遺我極芬芳自嗟
寸善無裨補更辱長篇盛播揚投李莫嫌遲報贈解
琴終擬效更張若孤朋照宜身愧冠弁我我佩玉蒼

次韻前人見贈

惟公治迹嶠之南增秩頒金出帝僉蠻獠望風安畛
域城闔興築賴韜鈴恩行稚耆增和樂令下姦豪競
伏潛撫俗上寬當宁念揚風深副遠民瞻潮陽鰲去
因誠禱合浦珠還表性廉五嶺盛傳威德著九天俄
下詔書嚴紫宸入覲輸忠謹青瑣歸來發滯淹蹇蹇
去為中國使皇皇寧許外夷覘河水日度疑鋪玉朔
雪時逢類散鹽持節塞垣先正席過塗溪館盡窮閭
光華不辱熙朝命誹訕因知黠虜愴去路冬迎風若
箭還朝春早月如鐮論勲已出庭臣右得禮應須吏
筆添賜對預陳官政致稱褒親被德音恬天人密語
依旒冕風日微和滿扇簾得請鄉州心且適暫違勸

座義無嫌都門客競千鍾餞禁掖詩仍二府無巨艦
解維莢李緊高樓夾岸柳絲織經途駐節頻開旆密
宴噴香似展隘會友樽壘醅潑蟻渡淮詩什硯磨磬
居常志氣唯中在雖久淹徊肯附炎夜泊每窺漁父
火曉行遙認酒家帘吳江橘柚津偏美茂死鱸尊味
正甜上冢朋從空里巷過家車馬擁門簷隣邦餉勞
迎旌祭樂榭歌歡散綵纈渡越一潮催疊鼓去杭千
騎擁行襜抑強撫弱恩先被宣化承流澤下露鑑水
漁樵隨業樂秦仁草木盡仁漸想經歲月須膺召縱
有著龜不在占屢寄詩筒追故事親揮墨寶見勞謙
水清氣義同初淡膠固情懷未比粘何日西歸容迓

禮奠辭吟醉夜厭厭

七言絕句二百八十四首

題馬伏波廟二首

壯敵無前老未休賞功銷得到封侯印歸新息不還
壘似與諸蠻一報仇

平生忠勇建殊勲蕙苾疑珠竟不分光武明如辯說
者肯教千古負將軍

賀沈太博見貽

待得清明已半春幙中何許可娛賓堵觀不是穿楊
手珍重賢侯誨爾頻

和沈太博會春晚歸

木醉樽前未可歸青春九十日芳菲名園一夜狂風
雨苔上殘花點綠衣

何推官見招游嶽麓以郡中事冗弗克偕行口

占二絕以謝

送客江亭一望間隔江奇勝有千山江頭未必無舟
子自是名標不暫關

簾旌空翠對橋洲山如屏嶂水清流誰能向此孤尋
勝接牒裝懷不自由

和沈太博小圃偶作二首

名園雨後百花繁人倚危樓十二千園裏芳菲樓上
客一般情緒怕春寒

日烘薄霧開柔陌風骨遶絲看柳條語燕啼鶯有燕
亂驚人殘夢是春朝

不與祠教再呈通判沈侯

蒸爰不是不尋仙俗骨由來欠玉鞭待得麻鞋重前
約只因瀛海已桑田

次韻見和

去祠靈鎮會真僊一夕春霖激電鞭待得歸航已新
暑小荷江上綠田田

代寄劉信臣

無家情緒滿眉頭去後方知有別愁羣憶離鞍杳何
所相望重上夕陽樓

和前人見寄

此去山重水復重登臨無復嘆途窮應將往事閉
憶疑是邯鄲夢枕中

下馬郵亭夕照天獨憑離緒問著圓故人此去無多
地何事銷魂重黯然

和何節推重九

喜陪佳客上高臺醉策驂騎薄暮回黃菊滿頭堪自
咲朱顏何必為人開

寄里中親友

上盡危梯望社榆亂山千疊隔吾廬四方盡是男兒
志敢嘆離群與索居

雨中見花戲呈伯庸秋曹

臉紅消盡淚闌干似向人前欲訴難若是東君與為主肯教風雨盡摧殘

和勉三兄

求賢在昔常推轂訪道當年亦顧廬聖旦光華今籲俊長卿無若歎貧居

題隱者邵醇郊居

驅車乘興謁先生十里秋光照眼明淨室寒窓無長物道書狼籍古琴橫

贈濮陽高蒙處士

事了還家不記年三茅傳侶盡真仙恰如少華希夷

子十度花殘一覺眠先祖太師贈

再得成都過華陰

孤臣何以報君恩願澤坤維軫慮分却笑乖崖懶重

去有詩羞見華山雲乖崖云回頭羞見華山雲

熙寧壬子至節夕宿兩當驛

里數三千七百餘兩當冬夜宿中途舉朝五往東西蜀還有區區似我無

過青泥嶺

老杜休誇蜀道難我聞天險不同山青泥嶺上青雲路二十年來七往還

謝天彭淨慧太師見訪

庵巖歸隱絕纖埃內外中間安在哉正似無心雲一片等閑隨雨出山來

禪僧重元自青過齊因寄

教被山東十稔餘人人師為指迷途仰天峭絕靈巖峻萬里閑雲一點無

次韻陳經侍御史禁中牡丹

靈根得地占雕欄禁苑春深奈曉寒烟葉綠舒成翠幄露葩紅聳似朱冠

過公安

子美嘗有發劉郎浦離公安渡詩

劉郎浦上公安渡我過高吟老杜詩烟浪幾重曲筭應風物似當時

將到荆南先寄胡判官

出京曾說會江陵期在初春恐未能君騎駸駸我帆使果來同看上元燈

酬寺僧文杲

贈進詩紫衣

師昔將名動冕旒恩光歸去照西州如今白首詩隨老字字清風敵素秋

和曾交見報代者

慣見河陽縣裏花何時歸種邵平瓜江東正是鱸魚熟昨夜西風夢到家

招劉絡主簿遊山

青城峰頂更樓臺世界隨高俗意開今夜雲歸有明

月按琴傾酒待公來

題張俞壁

詔書三度落坤維為白雲溪獨掩扉我愧俗踈來訪
道不逢斜日又空歸

自殿院得請知睦州同范御史挽舟過潁寓言
潁波清闊接淮沂人似遊山棹似飛酒熟魚肥何以
樂與公同是故鄉歸

得請天閣出擁麾舊山東望已心飛君恩欲使鄉人
寵猶許我冠獬豸歸
初見遙山橫水湄舊鄉依約白雲飛還同戶部詩申
道終日思歸此日歸

題范御史舟中偶書

遭時致主期堯舜力道終身致孔顏出處兩途公試
看幾時能放此心閑

和美毗陵鱖魚之美

江南鱖魚客誇肥公到常州鱸熟時見說桐江魚亦
好昔賢多作釣臺詩

和偶書

古人胸臆賦才多醒似冥搜醉自哦今日淮山且詩
酒不勞賢否問誰何

和宿峽石寺下

淮岸浮圖手倚天山僧應已離塵綠松關暮鎖無人

跡惟放鍾聲入畫舫

次韻看山

到爛柯山即武夷並舟於此袂將離公來一意蘇疲
俗借問閩州知不知

和范御史見鷓鴣與鷺鷥為群因感黑得魚多
二鳥一生汀渚上已堪圖畫復賡歌莫將黑白欺人
眼所得旁觀不較多

新到睦州五韻

觀風閣

一凭闌望意無窮民屋連雲疊嶂中微術可令民不
疚有慚茲閣號觀風

賞春亭

滂葩浩艷滿亭隈當席芳樽醉看來始信春恩不私
物亂山窮處亦花開

高峰塔

上石披松十步勞下窺人物見秋毫嗟誰更向孤峰
頂樹塔孤撐碧落高

玉泉亭

潺潺朝暮入神清落澗通池遠郡廳亂石長松山十
里討源湏上玉泉亭

烏龍山

泉石淙淙瀉百尋層峰環翠起春林危巔召雨雲先

作不失蒼生望歲心

新定言懷

吾家於衢守於睦治餘何以樂且閑仙棋一局釣一
壑爛柯山下嚴陵灘

和范都官行後九日奉寄

湖平風穩送歸航望隔嚴灘七里長更上高峰儘高
處黃花新酒醉重陽

喜十二弟登第

景祐初余唱第歸入門逢爾正兒嬉如何二十三
年後繼得蟾宮桂一枝

新定筵上

紫金魚耀服章桐廬太守杯壺觴邦人間道南
貴觀者渾如入射場

次韻葉紆太博惠硯二首

遺我佳篇字字珍更無山骨琢磨新古賢最重瓊瑤
意持報魯同硯席人
多謝君詩重見珍硯從黟水濯來新持當夏晝南窓
看玉發先輝冷照人

次韻范師道龍圖三首

舍車拜蓋爭尋勝壘石携泉旋煮茶可惜湖山天下
好十分風景屬僧家

八月湖平絕越通桐江烟水亂山中客舟安穩尤為

幸百尺蒲帆一信風
釣叟高風冠古來思賢今我意徘徊當年高隱恬無
事應似春登老氏臺

次韻得便風

福守之官大道通乘舟朝發怒濤中高帆得勢鵬開
翼飛起滄溟萬里風

過嚴陵呈前人

使棹穿溪彌屈曲溪鷗隨棹更徘徊地經嚴隱翻高
尚應轉心輕在栢臺

謝梁準處士惠琴

高懷宜與正聲通妙絕孫枝三尺桐開匣為公鳴一

弄薰風中有故人風

送講僧懷儼後居天柱

卓錫江頭十載餘師心純靜到真如更嫌城郭人來
近移入白雲深處居

同信守趙誠司封會靈山亭

寺亭高絕面靈山迤邐群峰不可攀登賞誰知賢者
樂獄扉空冷訟筩閑

登龜峰群峰亭

桃花臺下繫輕舸直上崢嶸不憚勞歷示群峰三十
二一峰還壓一峰高

過鄱陽湖先寄洪守唐奉符制

上冢家留祭且哀
贛民應怪若徘徊
鄱陽湖共天同
闊不惜乘風破浪來

內閣朝廷號正臣
竭來江外擁朱輪
危檣西喜洪都
近諫省當時舊主人

謝周源職方惠詩

嶺上寒梅冒臘開
故人千里意徘徊
佳篇贈我慚無
報明月珠投暗裏來

言懷

前日桐江今贛川
諫官得郡愧非賢
東吳鄉便君恩
厚理棹重來始四年

答贛縣錢顛著作移花

今尹憐花意思勤
海棠多種郡園新
自後兩蜀年年
元今日攔邊似故人

次韻郁李花

花縣逢春對曉暉
朱朱白白綴繁枝
梅先菊後何須
較好是人生各有時

題中隱堂二首

動跡無疑靜性通
小松疎竹一堂風
憑山倚市何須
問不隱形骸只隱中

植杖焚香貝葉經
主人無事掩松扃
兀然隱几秋宵
靜雲在諸峰月在庭

蘆泉二首

歲旱江潢萬井汚此泉深靜肯清渝伯夷死後泉流
在能使貪人一飲無

庾嶺中分泉兩派羨名人愛惡聲嫌誰云酌後能移
性南有貪弓北有廉

次韻周國博不赴重九飲會見寄二首

嫩菊浮香酒潑醅命儔歡飲鬱孤臺如何此會翻為
恨為欠車公一到來

九日年豐獄訟稀望君同醉樂無涯樽前慰我區區
意只得登高一首詩

舟過何若谷郊居

峽口寒流如箭急灘頭輕棹若雲奔玉峰樓鎖人歸

云回首斜陽一黯魂

送張聞臈方歸江原

未登七十早還鄉終日高吟酒滿觴訪我飄然又歸
去萬松庄裏引年堂

乙巳歲渡關

誰云蜀道上天難險棧排雲徹萬山我愧於時無所
補十年三出劔門關

次韻六弟抗黃花驛樓作

稅鞅憑欄眼更醒須求國手上丹青樓前雲水無窮
好樓下塵喧不復聽

和六弟飛石

磷磷崖石有時飛吉士何嘗中禍機刺史擊強宜默
助害盈誰謂鬼神非

和六弟過飛仙嶺

雲嶺觀遊詎肯勞飛僊嶺過穩翔翹道風仙骨朝真
去未必不緣功行高

題清風閣

錦川城裏玉溪橫溪上浮圖蓋閣明我念官拘登未
暇有風終日為誰清

謝蜀倅盧夏郎中惠詩

三十三年同榜中始來全蜀見詩翁文高格老人知
否為見元和遠祖風

送劉昭寺丞游河南

雲水無心是處同洛陽花發正春風路逢達道人休
問熊耳山開少室空

寄成都甘露舒太師

惟人固有東西跡於道豈分南北途來往從師多歛
德只應甘露是醍醐

聞雷可喜

雷奔電激夜溟溟虎咲龍吟魄鬼驚用即不勤功即
進聖胎涵養道芽生

辛巳青州觀月有懷

中秋去歲中和宴州和杭名表海今宵北海壘表海青州名

天上無私是明月隔淮千里照人來

初赴杭州遊風水洞

風月有聲連水洞聽風觀水暫閑身杭州未入從容甚且與南山作主人

登開化寺白賁亭

秋霽濤江氣象寬龍山亭聳凭雲端老僧欲快吾心目旋剪當軒竹數竿

別杭州

政成五月愧前賢又向東風解畫舫却羨樂天詩裏道皇恩曾許駐三年

次韻孔宗翰提刑范公泉

陸羽因循不此尋後知泉品未為深甘清汲取無窮已好似希文昔日心

龍昌寺西軒

樽酒西軒共倚欄更無塵事見顏間留詩都士知公否仁者從來不厭山

題郡園亭館

為愛東園四照亭剪開繁木快人情新秋雨過閑雲卷十里南山兩眼明

寄酬齊州魯肇學士二首

太守文章聳縉紳兩湖風月助吟神訟庭無事鈴齋樂聊屈承明待後人

清南文集 卷之五
當天當日詠東吳一半夕當是此湖歷下莫將泉石
戀而今天子用真儒

贈蔡山玉處士

蔡山深處隱林泉遠離塵氛僅十年已得琴中平淡
意有絃終日似無絃

贈詩僧

戀勝窮幽彼上人平生瀟灑樂天真松間竹下成何
事坐諷行吟老更新

送張處士

下峽孤舟快似飛西江歸去一天涯鄉人故眼知君
否功行如今無不為

送雍子方學士

召節君趨禁掖中請藩愚向浙江東清時內外俱為
樂鶴有喬松鳳有桐

寄題導江勾處士湖石軒

水晶宮裏石奇哉萬里後容入蜀來都與先生助吟
賞惹烟籠月一窻開

張憲重陽中得大黃上芝草一本作金龜以負
之為賦

錦文瑞正孕靈芝藥市中惟此物奇入手却容凡眼
看寶囊開處坐金龜

和詩僧栖詰求詩

澄觀未逢歸退之當時佳句有誰知
蟠龍僧膽大如斗直以詩求蜀守詩

和榮學士長瀆關所寄

竭求忠力豈憂危人似登仙馬似飛
却是玉溪梅玉折未曾攀折候公歸

謝張遨先生惠詩

懷想僊風甚渴饑岷山潛德世誰知
愚今幸有真消息先得漕溪五首詩

贈前人酒

噐索泉香所得醉慙慙分與洞中人
知君一飲無樂和氣三田長似春

題御愛山

岷峨西列華排東餘縱崢嶸敢競雄
不是當時經御愛此山還與衆山同

次韻文學士寄仲南長老四句

休官休問幾人曾歸約林泉有衲僧
况是本來安樂地漕溪何用見南熊

寄梓州才元舍人

錦城匝地清風起為得梓州書一紙
莫問分符隔兩川水月東西共千里

題五丈原二寄木

古庭薜荔附長松歲寒共有凌霜操
諸峰凍合萬木

彫看取門外長安道

和記長老道頌

道妙無為無不為從他是是與非非更如進步如平地百尺竿頭向上機

漁父五首

一帶寒波雪浪流謝却終日在孤舟沙鷗數隻和烟落咲倚欄撓獨點頭

月印蒼波入夜寒寒寒燈火水天寬兒孫未解諳風色幾度舡頭失釣竿

莫笑生涯一葉舟江湖來往自悠悠絲頭謾有潭中意逐浪魚兒不上鈎

卧看鰕魚日幾遭蕪葑風起片帆高任公信是宜宜者只候垂鈎鈎巨鰲

輕波拍岸琉璃碧落日嶺山玳瑁紅一曲漁歌人不會蘆花飛起渡頭空

行甫索頌卷

空生老病已忘言何處如今有偈篇要會從來無一字溪邊楊柳密籠烟

贈五嶽觀王道士二首

解蜀歸吳十月行出門無計別青城憑師為上希夷殿稽首燒香道姓名

上士脩真心地樂域自逍遙鄉寮宴世間名利任紛

清南文集
紛一弄清琴一爐樂

宿房公湖偶成

廣漢園池蜀自無却如房相未知吾浙東歸去君恩
重乞得蓬萊與鑑湖

眉山麻衣至德觀真僊亭

我愧無能使兩川龜琴為伴僅三年清朝自是朝真
客何必登山更望仙

正信表詢長老

欲導群迷建法門千言百句與誰論入泥入水勞心
力不負黃龍五代孫

送程給事過越不及口占以寄

立馬江頭一點銷曉光浮動十分潮西陵送目仙舟
去鏡鼓旌麾迤邐遙

杭州八詠

有美堂

城在東南誠第一江湖只向坐中窺斯堂占勝名天
下况有仁皇御製詩

中和堂

老來重守鳳凰城千里人心豈易平樂職古賢形頌
歎中和詩不為虛名

清暑堂

江上潮音曉暮聞天鏡風月地無塵自憐清暑堂中

景容得衰翁未退身

虛白堂

松蘿瀟灑似居山賓退公餘半是閑誰謂樂天虛白
意只傳詩句落人間

巽亭

越山吳水似圖屏妙筆無緣畫得成閑上東南亭上
望直疑身世似蓬瀛

望海樓

潮神千里看雲雷日月如期早暮來景覓東樓天下
少簾帷長對海門開

望湖樓

僧棹漁舸恣往還澄波如鑑照群山遠湖三百浮屠
舍祇是憑樓一瞬間

介亭

介亭群石似飛來深插雲根兩兩排占得群峰最高
地翠姿何處有塵霾

次韻程給事會稽八詠

鑑湖

閣下平湖湖外山陰晴氣象日千般主人便是神仙
侶莫作尋常太守看

望海亭

倚欄曾此望滄浪頭移時類鶴形別後幾迴閑亭

寐終求精筆寫丹青

望秦樓

縱觀滄海陟高峰
述幸無名是祖龍
留作後來真賞
地望秦樓閣一重重

拂雲亭

青雲隨步覺身高
燕雀卑飛不敢巢
民屋萬家都下
瞰欄干迢遞出林梢

邃亭

小松幽石曲池清
欲邀山翁構此亭
補外想公非久
次坐看嚴詔下明庭

妙樂庵

三年時得憇圓庵
有客禪機不在談
妙樂佳名人不
會府中無事畫潭潭

禹穴

洞天三十六非虛
今古稱奇事可書
深坎閑藏惟巨
石只應方士識龍居

戒珠寺

乘暇登高百尺巍
羲之遺跡見豐碑
戢山下視無窮
景况壓山巔是佛祠

次韻前人長至有懷二首

詩美皇皇使者風
禮修戎館致雍容
去年佳節遼東
會此日新陽湖上逢

我昔間閔出使胡新春沙漠未昭蘇海東青擊天鷲
落鴨綠江邊曾見無

元日偶成

人生七十古云稀加我新年復過期住在三衢山好
處望中還賦式微詩

次韻程給事自述

稽山報政為和氣併入元豐第一春况有德音曾
被定歸霖雨澤斯民

次韻前人懷闕下偶成三首

秘殿稱觴上壽時御香氣馥曉風微天顏密邇孤臣
幸四十年前一布衣

陟殿三公捧壽觴群臣著漢下成行天恩在樂交情

盛委佩拖紳極異床

鴈鸞班列內璫催曉色鳴稍天上来錫宴群臣醉歸
去滿身猶帶御香回

次韻前人謁禹廟三首

治水開陳遂刻碑鉅賢留意向當時主翁不作知音
賀妙絕如何見好辭

鑑水為功利一州至今稱頌古諸侯漁樵早暮餘波
及耄老思賢尚涕流

春色湖光照錦衣岸花汀草共芬菲若耶溪上遊人
樂舉棹狂歌半醉歸

寄酌張致政

安車高蹈十年餘，顧我臨川獨羨魚。
珍重藍田良玉性，火中三百只如初。

次韻程給事寄趙少師三首

去日蓮花紅朶朶，來時荷葉綠田田。
臨期更作西湖會，兩兩舟同李郭仙。

來屬元豐第一年，農歌鑿井自耕田。
惟公好事康寧福，更許杭民識壽仙。

安車論別十餘年，睢水歸思負郭田。
浩浩胸襟涵渤澥，飄飄風骨是神仙。

次韻前人和許少卿見懷三首

望秦雙聳郡樓前，佳氣葱葱雜翠烟。
太守風流詩力健，湖山無處不成篇。

故交德重鎮輕浮，恨不來乘剡水舟。
遠寄蓬萊主人句，字褒華袞若春秋。

我守全吳公越東，憲臺千里寄清風。
何時共作同年會，爛飲狂歌三醉翁。

寄前人二首

小蓬萊對望秦山，有會無違不解顏。
太守新詩踰百首，邇來傳誦滿人間。

古祠曾記禱靈神，旱雨滂沱救越人。
大禹恩深無以報，我惟朝夕退藏身。

次韻前人題曹娥廟二首

天資孝友本生知不愧周人七子詩絕妙好辭旌至性豐碑千古奉墳祠

哀哀江上救沉尸墓木留形世所悲得旨春秋參祀典孝誠今日再逢時

題陶朱公廟二首

為國謀深身自謀飄然歸泛五湖舟雖云文種知幾晚未必忠魂為蠶羞

不道夫差勢獨夫因持越計敗全吳陶朱智則誠為智欲把忠臣比得無

次韻程給事寄法雲禪師重喜

法雲嘗負沒絃琴有曲古名清夜吟心指寂寥誰肯顧遇公傾耳作知音

書圓通院水閣

風送荷花香滿欄上人宴坐水雲間時中靜極光通達豈特浮生半日閑

次韻程給事書院浣紗石二首

傾國鉉黃不假施吳兵劫敵頽凌夷苧羅石在千餘載好事公今尚作詩

吳宮金玉似泥沙西子東來舉國誇一日越兵聲震地夫差猶惑眼中花

九日湖上登高寄前人二首

九日湖樓把酒卮拒霜黃菊闌芳菲五逢吳越重陽
節白首柯山未許歸

艤棹湖亭又訪山寺樓登賞十三間更尋半隱先生
跡一擁朱輪未得還葉城訪德定德院

和前人書僧正院壁

為憂圓教祖風摧雨墜天花夜講開會得王公題壁
意入塵摩詰是如來

寶林塔再成示諸僧

禪家自利利他人寶塔焚如復鼎新掃地便高三百
尺只應澄觀是前身

書道士虞安仁房壁

日月精華有術食不煩辛苦禮星壇葛泉公井甘泉
近應煉長生九轉丹

書道士張昌應庵壁

絕離聲塵二十春飄然風骨鶴兼雲庵中澹泊無餘
物一顆仙丹酒百分

禪僧重喜堅辭紫衣勉令承命

道場清淨絕塵埃雲水中間丈室開莫把賜袍容易
看帝恩新自日邊來

六弟司戶生日

祖教雙修日用間芳醪不飲自朱顏欲知難老真消
息曾餌融峰九轉丹

送楊監簿南歸

數隨鄉薦始登科
清白門中所得多
伯氏文章天下望
家風元是老維摩

登安樂山塔

池有靈泉泉有龍
高僧深隱梵王宮
雲林百里如屏障
安樂山西一望中

瑞蓮花示禪僧

紅蓮携贈碧蓮堂
一本雙葩頗異常
珍重承天脅尊者
聞風晨夕是清香

送僧得賜經還永嘉

志願未如終未回
十年京洛走風埃
珍函寶藏五千

一日降後天上来

送杭州道士錢自然

帥王歸觀息兵鋌
吳越蒙恩過百年
世賞至今軒冕盛
真孫宜作地行仙

觀潮因寄五弟拊生日

祝翁生辰不憚遙
元豐六稔慶三朝
源源祺壽來無盡
一似錢江兩信潮

送張彭赴會稽丞

扁舟行渡浙江濱
湖上風光已滿春
為報稽山民吏道
邑丞今是悟空人

用蓬萊法釀酒成
以四壺寄越州程給事三首

功臣堂號與山堂已闕醇醪又闕香今釀蓬萊法差
勝乘壺携寄願公嘗

武林新醞効蓬萊莫把梨花較綠醅安得逢春命高
會大家同入醉鄉來

一日湖頭兩信通姓來惟只遞詩筒何時得把金壘
倒觀取詩翁作醉翁

清思堂偶成

垂老將休俗累輕舊鄉來守越王城吾懷自信無汚
染何必升堂思始清

送二十三姪岷還衡赴舉

行美文精即擅場不論京國與江鄉鄉人若問吾歸

計已叩天閣第九章

送禪師廣教赴衡南澤

到日參徒耳目新苑花一笑已中春吾今告老還家
近亦作柯峰自在人

致仕後立春偶成

四紀榮塗愧濫巾聖恩從請幸全身高齋靜有無窮
樂又報元豐第四春

監神泉監五弟拊生日寄法醞為壽

歲首月三逢誕日壽樽遙寄助童顏黃庭內景非虛
語百二十年猶可還

送五弟得替赴闕

三載神泉績大成交章使者薦能名朝廷方且求人
切未可圖閑學老兄

辛酉歲且偶成

一夕寅隅斗轉魁三陽和氣入春臺鑑中華髮渾霜
雪七十四後頭上來

送講師惟爽歸杭州

舊隱重尋遠世機呼童把帚掃禪扉踈簾捲盡南軒
閣引得湖光一片歸

詠竹為六弟抗司戶生日

萬竿終日弄清風溽暑消除爾有功老去年時轉瀟
灑此君真是竹林翁

竹林翁乃六弟道院

寄題來教授思軒

補過盡忠隨進退潛心高與古賢期吾儒造次必
是何用憑軒始再思

寄酬致政趙少師五首

夙荷公知獨久要政堂平日幸為僚新篇屢拜金瓊
賜千里同風不為遙

明月驚人為暗投珍函開發曉光浮五章屢句真高
唱所得過於萬戶侯

雲濤朝暮湖山勝曾伴仙翁燉爛遊別後瞻思閑屈
指歲華如箭已三秋

短書臨發意徘徊寒夜霜晴上月臺睢水澈江天共

遠舉頭唯見鴈南來

天台鴈蕩去尋真往復秋冬過七旬不是君恩山嶽重肯教歸作自由身

送周古尉武康

少時來訪武夷峰紆時宰學業優殊志氣雄今我老歸公始仕神仙宮在水晶宮

送王九舉道人遊杭州

暫分仙袂下羅浮羅浮與公元是共師又作錢塘佛國遊欲識先生踪跡否江湖無礙一扁舟

已未歲除言懷示諸弟姪子孫二首

得請歸田弛負擔滿頭霜雪鬢高齋蛩指呵可

笑明日新春七十三

三歲嘗叨貳國鈞兩經吳蜀擁車輪或謂吳越為前政府歸休日八百科中止一人景祐初榜制云今歲殿廷登科者踰八百

六弟司戶生日

我竹林翁所得奇心傳佛要面仙姿年年六月十二日觀取高齋祝壽詩

已未歲十月七日登唐臺山偶成

直到巢峰最上頭旋磨崖石看詩留重來轉覺寒松老三十六年前舊游

贈禪僧二首

雲意乘秋任往還泉音終日自潺潺師心正與雲泉

契不稱城居祇稱山

激水曹溪一滴通爛柯元是妙高峰子湖有犬無人

會我欲憑詩寄老踪

利踪即子湖禪僧也

題婺州郡圃雙溪亭

去年春晚宴亭皋今日重登不憚勞欄外當時雙派水已應歸海作波濤

題八詠樓

隱侯詩價滿東吳八詠詩章思殊世說當年清瘦甚不知全為苦吟詩

過婺示施耕縣丞

子詩贈我離杭日勸使東來亦主人再得湖山老

去而今始是自由身

登雲黃山

雲黃絕頂冠峰巒七佛當時行道壇天歛積陰千里霽故今登賞得盤桓

題婺州永康縣延真觀松石

歲寒安性稟於天一變人疑換骨仙操是寒松心是石始終全類古真賢

登越州新昌石佛閣

南明石像世稱奇人說嘉州具體微大小何煩較吳蜀法身無處不同歸

過天姥嶺示男岷

吾子沿江千里來我車不憚陟崔嵬永嘉貳政年方
壯未用斑衣學老萊

初入天台示男岷

景入天台日新安車千里去尋真路逢白髮老翁
問父子同遊有幾人

題三井瀑布

三井餘波勢靡停平鋪千丈落崢嶸秋楊五彩隨流
照上有日光縱有良工畫不成

雙關山

峰巒如蜀劔關分萬仞千門不可親唯有諸仙功行
滿雲屏後此去朝真

瓊臺

台嶼周迴八百里瓊臺中立許誰登宵分疑有祥仙
集月白風清最上層

龍潭

黯黯龍潭不測深臨觀崖下已千尋若逢歲旱休閑
卧好與斯民去作霖

放螺溪

子輿輟肉為開聲德洽民心苦好生智者教行尤可
尚放螺後此得溪名

與男岷遊天台石橋覽先祖詩因成

石橋吾祖昔留詩句有天寒樹着衣山下老僧能數

詠諸孫三歲與光輝先祖詩云木蘭香生髮天寒樹着衣

錫杖泉

叢林枯稿井難穿珍重禪師道力堅一旦出庵携一錫卓山隨手湧甘泉

過台州登巾子晚遊東湖

巾頂廣軒逢杪秋萬家雲屋接丹丘主人欲盡行人樂更向東吳共泛舟

泛舟離台港

賞遍丹丘上畫舫旌旗金鼓滿晴川潮平難綽舟人望一似離杭過越年江過去春休官由浙越彷彿類此

觀音巖

石龍一滴水涓涓大士巖溪峭壁間我道音聞無不是何頑魯入寶陀山

題靈峰寺

鴈蕩林泉天下奇謝公不到未逢時碧霄萬壑千岩好今日來遊盡得之

登飛泉寺會峰寺

會峰亭對大屏風萬秀千奇聳碧空不識誰能奪造化真仙世界一壺中

出鴈蕩回望常雲峰

游遍名山未肯休征車已發尚回眸高峰亦是多情思百里依然一探頭

觀海

巨海澄瀾勢自平
停車冉冉看潮生
豈同八月吳江會
共駭潮頭萬鼓鳴

觀老僧會才畫像

白鶴叢林古梵宮
壁間留像見真風
憶師去歲雷峰別
只是南柯一夢中

經樂清寄前縣令周郅

舊治熙熙樂似春
退公章句更清新
官居佛舍留題徧
可惜詩人只字民

宿象浦驛記夢

曩歲阻風京口日
今離象浦復徘徊
姓江名靜人何

許昨日依然入夢來

答毛章秀才

兩闕新詩出慎江
親携迎我重嗟降
深藏篋笥生光彩
價抵千金璧一雙

題僧正仲灝定閣

曉窻幽磬暮踈鍾
曉暮清音消息通
閣以定名成底事
醒醒須仗主人翁

姪壻鄭庭晦與子同游鴈蕩今具先歸贈別

君念親闈肯暫留
吾居子舍尚優游
逢人為道歸遲意
正似江湖不繫舟

留題戲綵堂示男胤

我憇堂中樂可知優游逾月意倦歸老來不及吾兒
少且着朱衣勝綵衣

謁水心院講僧繼忠

烟波周匝望中賒乘興驅車一逕斜誰識上人脩証
地水晶宮裏法王家

客舟夜雨

朝發溫江上處溪小舟無寐枕頻歌夜來雨作蓬蔭
響恰似當年赴舉時

括蒼照水閣飲散聞角

主禮慇懃醉玉杯暮雲山頂壓樓臺渾如元相誇州
宅鼓角聲從地底回

緡雲玉虛宮

宮前車轍狀分明世說軒轅上玉清仰慕勞心是秦
漢不修功行只虛名

步虛宮

妙峰高處即仙居多為朝真作步虛却是清風明月
夜一聲傾聽屬樵人

禹湖峰

不見青蓮花落時禹湖唯有白雲歸一峰孤立如天
柱君較靈巖具體微

仙水洞

路入雲端步步輕洞中涓溜一泓清不逢真侶仙踪

清獻文集 卷之五
在猶喜磨崖紀姓名

隱真洞

仙洞長年卧白雲靈丹成就養天真漢廷輕為東宮
出應咲商山四老人

忘歸洞

洞天日月最遲遲來見仙真即忘歸看取菟源劉阮
去舊鄉雖是故人非

自溫江宿僧淨侶秀野軒

千里尋山憶爛柯七旬歸去此重過因觀秀野軒前
景與我高齋不較多

男吼隨侍還鄉欲回溫贈行

七旬尋勝遠塵紛身計優游荷國恩往復汝勤人盡
說從來忠孝出吾門

越州講僧智月見訪

不憚風霜道阻俯一瓶一鉢少遲留稽山未可輕歸
去浮石精藍况舊遊

次程師孟正議題神照太師養志堂

報恩堂廡繕完新養志熙熙鎮似春佛子事餘為孝
子黃金園有白頭親

送衢守王照大夫

車騎衢民不可攀機山雲約首春還綠衣堂上成畜
戲八十慈親為解顏

酌前人見別

退休林下屈朱輪逸老亭邊袂欲分一誦高齋圓首
句感公於我獨慇懃公詩有四首高齋拭淚痕之句

送余宗道主簿赴官

枳鸞新命去逢春士論許為忠孝人白首慈親七十
八安居榮侍入西秦

次韻吳天常中散

教言今覺昔諸塵不了心源未是真却念樵夫無解
得當年虛作爛柯人

送蔡門長官赴任丹徒

柳深鶯老暮春天恭侍慈親解畫舫舉首丹徒民慕

戶共迎和氣作豐年

十八男岷太僕寺丞生日

寵數親承咫尺顏清修凌命似居山欲知不老箇中
事應向如今悟入還

送海印長老赴峨眉都僧正二首

歸根落葉舞秋風入蜀分携激水東欲別何煩示圓
相普賢今作主人翁

片雲無着又西還過盡秦山上蜀山我獨為師懽喜

處一程程入舊鄉關

會稽智印大師可升復為僧正因寄

突兀浮圖烈燄焚入雲千尺一朝新塔遭火聞師

頌衆非辜罷今復如初慰越人

梁子正哀詞二首

一節循循見始終平常心有古人風臨行却笑龐居士何用當庭探日中

函中赤軸誰能捲壁上孤琴已絕絃付與兒孫有清德臨風何必更潸然

天台蛇洞

道猷宴坐卓一錫蕭然屏去群魔迹大口開口合不得始知三昧通神力

內照庵

山老榜安名內照掩扉默坐徒觀妙欲知畢竟事何

如無量壽光

兩曜

宿溫嶺

昨朝初泛臨海舟今暮已登溫嶺驛秋風閣雨波不揚風伯江神俱有力

因海印行感舊寄蜀中故人

我車出蜀十年強感舊情懷未盡忘有同老衰師為道心如冰雪髮如霜

和二蘇題白鶴觀二首

黃衣道士骨朽矣白鶴仙翁詩宛然君儻不能來一顧壁間磨滅有詩傳

逢茗酒與鶯花古觀高吟今寧嘉好事獨來終日

諸翁爭去著詩誇

退居十詠

高齋

軒外長溪溪外山捲簾空噴水雲間高齋有問如何
樂清夜安眠白晝閑

水月閣

池閣孤清瞰碧流太虛懷抱物華秋圓蟾默有中宵
約幾點閑雲為我收

放魚

魚不能言似可哀竭池千數競徘徊激江深處呼僮
放羨爾優游得所哉

雙松

少時親手植雙松晝愛層陰夜聽風今日歲寒喻五
紀也應心似主人翁

竹軒

暑威何處稱疎慵百本脩篁小檻東時遣清風送消
息此君都在不言中

柳軒

動入和風靜惹烟翠條疎處露池蓮林中盡是能吟
物春有黃鸝夏有蟬

歸歎亭

密徑脩筠郊外居小亭隨意傍歸歎等閑早暮携筇

看池沼東頭是舊廬

濯纓亭

亭上秋登遠目明濯纓誠不是虛名晴波一片如鋪
練浮石江心徹底清

負郭田

累歲辭榮得帝俞老來天幸更誰如腰間已解黃金
印歸有田耕二頃餘

望南山

烏巨東西氣候秋子湖岡隴暮雲浮欲觀古佛叢林
地只用憑欄一舉頭

常山縣令姚存哀詞二首

期終代促裝前常遺吾書索贈言今日却成還抱
霜風江上送靈幡

威惠三年邑政優平生志業未經酬嗟嗟故里松楸
老先隴歸陪地下遊

寄靈隱圓明禪師

故人相別歲時多日欲為書柰懶何猶喜箇中無間
斷西軒雲岫碧差栽

桐木為魚寄名山主

森森喬木得諸隣霧鎖雲埋不記春報得看看鱗角
就為君驚起夢中人

景仁寄超化長老

千里無書信却通澱江南畔石橋東
春來消息誰傳去落盡林花一夜風

歲日示衆

今年年是去年年此處何曾有變遷
穿耳胡僧曾說破梅花落盡柳生烟

南明示衆

寂寂松門竟日閑更無金鎖與玄關
時人欲識南明路過得溪山便上山

惠遠上人壁

燒香運水及煎茶誰識廬山惠遠
社客若來高着眼不須平地覓蓮花

登真巖

殿閣凌空鎖翠嵐雪晴春色在松杉
芝駢羽駕歸何處留得雙鳥宿舊巖

九峰巖

龍丘石室人難繼安正書堂世莫登
但見烟蘿最高處九峰排列一層層

聯句

引流聯句并序

江原縣江繚治解沁而東距三百步瀧湍馳
激朝暮鳴在耳使人聽愛弗欲倦遂重渠通
民田來圃亭堦廡間回環遠旋溝行洛濟起

居觀遊清快心目公事暇休與弟抗揚坐東
軒樂然盤詞為詩章成書之石曰引流聯句

皇祐二年冬十一月己酉越人趙抃閱道云

別派從江垠邀流入農畝并淙淙來源深澆澆度溝
淺抗園穿蕭交芟塹斷荆蓁剪揚疏功浹辰長既利
千步遠并田觀疑澤潴坎聽類瓴建抗比溟歸鑿他
咄岳漾裝嶽揚馮埤紋湍駛回澗細轉并過寶石
眼窺經虛土口吮抗浮行值落葉浸長逢生蘚揚孤
鶴眼怪覘纖魚鬣跳畏揚申沈無穢淤底淨有紋
抗映葦色莫分喧琴類難揚增霖人鬧蛙涵月
驚犬并侵篁鞭

憐黃

紫沃蘭畹揚

卷并灌携令

勞漱掬致腰倪抗庭秋臨加涼軒夏尚消烜揚我矜
近濟能僮賀遙汲免并貯埋巨甌歸厨架修篔抗
供陶飯盞糧給澳羨鼎鬻揚調藥修舊餌煎茶試羅
莽并坐客頻泛觴躡兒屢洗硯抗聆寒心脫煩挹冷
酒除酒揚壅挑筇步隨靜看髭吟撚并高懷造文據
清興團詩遣抗塊章非俗成怪句自幽選揚湧詞波
翻瀛縵意緒抽蠶并書冊字隸行款竭石磨琬抗題
為引流篇記耳非自銜揚

浙江衢州府西安縣儒學訓導汪旦校刊

趙清獻公文集卷第五終



書